

國

朝

列

卿

紀

國朝列卿紀卷之七十七

南京都察院左右副都御史年表

夏

迪

浙江天台人。洪武丁卯舉人。永樂二十二年任左副都御史。宣德元年卒於官。

邵

玘

浙江蘭谿人。進士。宣德三年任左副都御史。五年卒於官。

吳

訥

直隸常熟人。永樂末年舉醫生。宣德五年任左副都御史。掌院事。正統六年致仕。卒。諡文恪。

朱與言

江西萬安人。進士。正統五年任右副都御史。六年掌院事。十二年致仕。

周

銓

直隸懷遠人。進士。正統十二年任右副都御史。掌院事。本年與諸御史劾奏下獄。

張

純

見本院右都景泰元年任右副都御史。

軒

輓

河南鹿邑人。進士。景泰五年任右副都御史。掌院事。天順元年陞刑部尚書。

羅

篋

江西南昌人。進士。成化六年任右副都御史。掌院事。八年致仕。

胡拱辰

浙江淳安人進士成化八年任右副都御史掌院事十四年轉左副都御史會同院事

章律

直隸常熱人進士成化二十年任右副都御史

李益

陝西長安人進士弘治三年任左副都御史

吳珉

山西靈石人進士弘治十一年任右副都御史本年致仕

陳瑀

直隸長洲人進士弘治十三年任左副都御史兼管操江十八年致仕

陳壽

江西新淦人進士正德二年任左副都御史正德二年督運糧餉

戈瑄

直隸景州人進士正德二年任右副都御史

雍泰

陝西咸寧人進士正德三年起本院右副都御史

李善

陝西隴州人進士正德三年任右副都御史

朱恩

直隸華亭人進士正德三年任右副都御史

俞諫

浙江桐廬人進士正德七年任右副都御史

楊茂元

浙江鄞縣人進士正德八年任右副都御史

歐陽旦

江西安福人進士正德九年任右副都御史

趙鑑

山東壽光人進士正德十年任右副都御史

任鑑

河南臨潁人進士正德十一年任右副都御史十三年致仕

蕭翀

四川內江人進士正德十三年任右副都御史

鄒文盛

見本院右都正德十四年任右副都御史

毛理

直隸吳縣人進士正德十六年任右副都御史

王懋中

詳本院右都正德十六年任右副都御史

伍文定

湖廣松滋人進士嘉靖元年任右副都御史

胡

璜

直隸永年人進士嘉靖元年任右副都御史

周季鳳

江西寧州人進士嘉靖二年任右副都御史

陳鳳梧

江西泰和人進士嘉靖二年任右副都御史

胡錠

直隸長垣人進士嘉靖三年任右副都御史

聶賢

見本院右都嘉靖四年任右副都御史

李承勳

湖廣嘉魚人進士嘉靖五年任右副都御史

周倫

直隸崑山人進士嘉靖五年任右副都御史提督江防

鄭毅

江西上饒人進士嘉靖六年任右副都御史本年改督漕運

萬鏜

見本院右都嘉靖六年任右副都御史

蔣瑤

浙江歸安人進士嘉靖七年任右副都御史

孫脩 直隸邯鄲人進士嘉靖八年任  
右副都御史本年災異致仕

潘珍 直隸婺源人進士嘉靖  
十一年任右副都御史

張衍慶 河南汲縣人進士嘉靖  
十二年任右副都御史

周叙 湖廣九溪衛籍河南息縣人進  
士嘉靖十二年任右副都御史

王堯封 直隸定興人進士嘉靖  
十三年任右副都御史

趙載 山西垣曲人進士嘉靖十四  
年召改右副都御史未任

歐陽鐸 江西泰和人進士嘉靖  
十五年任右副都御史

簡霄 江西新喻人進士嘉靖  
十六年任右副都御史

張珩 山西石州人進士嘉靖十  
八年召右副都御史未任

王學夔 江西安福人進士嘉靖十八  
年任右副都御史兼督江防

柴經

浙江鄞縣人進士嘉靖二十年任右副都御史兼督江防二十二年劾免

及宦

直隸河間府交河人嘉靖二十四年任右副都御史陞戶部侍郎

王守

直隸吳縣人嘉靖丙戌進士二十七年任右副都御史二十九年卒於官

趙汝濂

雲南太和人嘉靖壬辰進士二十九年任右副都御史三十年

魏良貴

江西新建人嘉靖乙未進士三十七年任右副都御史督江防本年回籍

傅鎮

福建永寧衛人嘉靖壬辰進士三十八年任右副都御史提督江防本年回籍

何寬

浙江臨海人嘉靖庚戌進士萬曆二年任右副都御史

王用汲

福建晉江人隆慶戊辰進士萬曆十五年任右十六年陞南京兵部右侍郎

石應岳

福建龍岩人隆慶辛未進士萬曆十七年任

邵仲祿

四川犍塘衛人隆慶戊辰進士萬曆十九年由應天府尹陞操江右副都改江西未任卒

南京都察院左右副都行實

夏迪字庭簡浙江台州府天台縣人生而魁偉性聰明介特事親友弟極其孝愛既長備邑庠弟子員洪武丁卯以書經中鄉試戊辰上春官適遇疾弗第入胄監卒所業夏六月奉使河南建置平倉事己巳之山東招諭人民咸訖事庚午試政於刑部時迪父松谷君以耆年有德應 召至京辭以老疾還迪幸

賜告待歸踰年松谷卒迪哀毀骨立甲戌服闋上 京師授溧陽縣丞勤撫守吏民信服邑適年丁水滂逋賦數夥其糧里有鬻妻貨子願償所逋猶未能集甚至有喪身亡家者迪閱之乃勸借於殷實人家得米一十萬七千餘石先足官賦次贖其子女



以歸人咸德之明年以舊官復任郡人戒行邑之人願留不可  
得明年調福建懷安縣丞蒞任一如溧陽之政 朝廷以虧兌  
欽騎官員馬疋來徵民無所措迺有白馬卽與輸官一不與較  
於時理問缺所司知其廉能委以任之推讞詳密剖決平允略  
無留滯薦陞大理左寺副凡遇審決一以至公無不得其平焉  
壬午 文皇卽位陞吏部文選清吏司員外郎轉本司郎中銓  
選遵常制百司官使舉得其人名達 仁皇試以太極論褒美  
有加丙戌拜河南左叅政有妬其能者交訐陰私 詔繫獄候  
勘明年春 仁皇憐其無辜請 命於行在宥其罪從隆平侯  
分理庶務尋授兵部司務越四日召至 文華殿諭以戶部旧

賦不清今用爾爲浙江司郎中稽考來迪辭以浙人復諭之曰  
爾不作弊母違奚辭卽叩頭奉 命不數日清理明白尋拜四  
川左叅政及辭仍 命傳置到任凡司之繫獄未決徒犯不下  
十數卽時推審獄無淹滯人咸悅服先是所屬土官嘗以進貢  
道經本司在官者各饋馬一匹迪至亦如之獨不受衆皆服其  
廉時 朝廷遣使採辦木植踰越歲時癘氣盛行民多夭折迪  
因入 覲備知民瘼奏蒙齋 勅寬免軍民歡聲如雷庚子丁  
母憂甲辰夏調江西左叅政 仁皇卽位遣使召至拜都察院  
左副都御史政暇於其家制祠堂充祭田爲子孫世守乙巳夏  
五月領 詔督常州府稅糧先是本府困於水災迪至令郡守

熊觀等勘實徧召鄉之巨室告以陰陽事其發倉撥廩得米六萬餘斛以充賑濟公私賴以給助羣民得以全活者衆間以糧里跋扈兜收細民稅糧踰期逋負迪程督迫切有唐達者託舊僚顧行之子顧賓齋送以賂直抵南京解宇子幼諛年甫十二辭不敢受賓撇棄奔去出追尋弗能得家皆驚惶乃令人至常州察院以告迪駭其事卽擒顧賓等劾所由連所賂親送赴北京奏之 朝廷知其出於非辜唐達等悉抵罪未幾遘疾丙午二月卒於金臺享年六十有一

邵玘字以先浙江金華府蘭谿縣人中永樂乙酉浙江鄉試明年中禮部會試廷試 賜同進士出身賜勅歸進學又明年召

至授湖廣道監察御史慨然以功業自期號貞白生以見志明  
憲紀究律意而用法平恕至遇渠奸巨猾爲民厲者亦不少寬  
假聲譽遂起嘗巡按江西廣東福建克振風裁時 仁宗皇帝  
監國尤所簡知間刑部都察院大理寺闕堂上官 命玘署有  
重獄數付以玘玘感 上知遇夙夜盡心每事親理有所顧問  
應對詳明一時老成多推讓之陞江西按察使先是南昌新建  
二縣苦上官和買里役者供一日費家爲之空玘視事之日立  
罷之權聲溢路而私不便者皆側目焉視玘自用簡儉終亦莫  
敢一語積歲訟牒填委悉取省闕擇其尤甚者自聽斷餘悉歸  
郡縣滯獄一清在江西五年政用肅然丁內艱去服闋改福建

按察使治職如江西而有司之務倍繁稍濟以寬宣德三年召爲南京都察院左副都御史時南京諸司緩弛御史尤縱玘奉勅簡擇奏黜其不肖及庸懦者殆半繼奉勅偕六部長貳簡黜諸司之不肖庸懦者綱紀復振爲人外肅內寬仕二十餘年所歷中外皆風憲於條制故實與夫施措之宜默識明習所至糾劾官邪舉大體而略瑣細家居有孝行旣仕得祿時惟母在迎奉就養極其愛敬母喪哀毀所居產瑞芝者再鄉里以爲孝感處朋友寮屬必約之於義有所薦舉必清介士其廉潔之操蓋終始一轍宣德五年正月十一日夙興衣冠坐得風眩疾遽卒訃聞上爲悼歎遣行人賜祭其文有持身清廉用法敬慎及

振舉綱紀屏黜儉邪之褒又命有司營葬事享年六十有五

吳訥字敏德直隸蘇州府常熟縣人七歲能背誦五經正文父  
導道爲沅陵縣主簿被繫至京訥乞自代事未白而父沒治喪  
如禮不用浮屠訥力學尚義兼善醫術永樂間以醫士舉至京  
懇辭 仁廟時監國聞其名 命教功臣子弟洪熙元年四月  
遷監察御史出巡浙江削秦檜碑表陸贄里修岳飛墓動皆扶  
植綱常次年巡貴州恩威並施羣夷畏悅將代還夷人相率請  
闕請留不許宣德五年陞右僉都御史尋陞左副都御史致仕年  
八十六卒訥爲人端重純明履方居約不以窮達易所守其學  
務遵儒先爲文根據義理有裨世教所註有小學集解文章辨

體性理羣書補註行世追謚文恪

宣德二年至正統十四年俱副都掌院事

朱與言字一諤江西吉安府萬安縣人永樂辛卯進士授山東道御史歷湖廣按察司僉事陞四川按察司副使去奸黜貪郡縣吏望風奔突正統二年以政績陞南京都察院右副都御史振立風紀聲稱凜然上疏論時弊極痛切上皆納之未幾乞休致家居肅然如在官鄉人有小不善惟恐其知御史韓雍巡按江西尚嚴憚焉嘗式其家

周銓字

錫

直隸鳳陽府懷遠人革除庚辰進士授刑部主事

永樂八年陞吏部文選司員外郎歷福建右叅議降南京鴻臚

寺左寺丞正統十二年陞南京都察院右副都御史景泰元年與諸御史訕奏下獄

張純見本院右都御史景泰元年任右副都御史提督江防軒輓字惟行河南鹿邑人永樂甲辰進士擢御史陞浙江按察使景泰五年陞南京都察院左副都御史理院事兼總理南京糧儲時右都御史張純素侈縱設席會諸僚輓不往旣而以卓食饋之亦不納天順元年陞刑部尚書改都察院左都御史總理南京糧儲

羅篪字應詔江西南昌人舉正統乙丑進士拜河南道監察御史官軍獲閩寇少壯五百餘悉論以死因請總憲奏免之凡活



三百餘人成化六年以人望陞都察院右副都御史巡撫湖廣  
時苗獠雜處喜闖殺榜諭以朝廷恩威聞者竦息間有不率  
畫奇邀擊之遂禱其巢穴歲饑緩催徵分富室及出官帑以糴  
粟六十萬石民困以甦成化六年召掌南京都察院事召還上  
疏乞親萬機用正人節賜予等事皆人所難言八年致仕卒年  
五十八所著有芝菴集

胡拱辰字共之浙江淳安人授黟縣知縣擢福建道監察御史  
丁憂起復補江西道歷貴州廣東左叅政廣西右布政使四川  
左布政使成化八年陞南京都察院右副都御史九年勅提督  
操江巡江十一年陞南京兵部右侍郎尋改副都御史提督南

京糧儲十四年再任南京都察院左副都御史掌院事二十年  
陞南京工部尚書詳南京工部

章律字

直隸常熟人景泰甲戌進士授刑部主事歷員外

郎郎中陞保定府知府

右叅政福建左布政使成化二十

年陞南京都察院右副都御史二十二年命巡撫雲南地方致  
仕詳雲南巡撫

李益字景賢陝西長安人景泰甲戌進士擢御史歷山東按察  
使陞右左布政使弘治三年陞南京都察院右副都御史五年  
陞南京戶部右侍郎詳南京戶部

吳珉字

山西平陽府靈石人成化己丑進士十年授吏部

稽勲司主事十三年陞稽勲員外郎十四年改文選司員外郎十五年陞稽勲郎中二十二年轉文選郎中陞山東左叅政陞本司右布政使轉左弘治九年陞都察院右副都御史巡撫甘肅地方十一年改南京都察院右副都御史本年致仕

陳璠字玉汝直隸蘇州府長洲縣人成化戊子占應天解額戊戌少師李公同考會試得其文知其爲奇士也置之高等遂被選爲庶吉士時文定公在翰林聲稱籍甚公初與同席視遂屈已師之相與劘切爲古文詞公質若重趺而思致獨遠不肯爲熟爛語始務奇備卒造平澹時輩推之歷兵科給事中刑科左給事獻納務持大體不沽激訐名妖僧繼曉事覺法司當以常

刑公言先王之制爲奇技淫巧以蕩上心者殺法司當非是於是曉竟坐棄市尚書何喬新等皆被詰責待罪有中官搏近臣於殿陛間公劾之兩皆坐黜又劾寧陽侯陳輔諸不法事卒奪其爵弘治二年陞大理寺右寺丞四年轉左丁憂八年補左九年陞右少卿十一年轉左以儒術飾吏事平反唯允本年進南院左僉都御史十三年改北十六年陞南院左副都御史值周府莊田與民田相淆累歲爭不決特命檢之時河南諸當道意在民也公往履田其實以聞詔歸之府於是始忤當道意其董舟師也適劇賊施天泰出沒海上大肆掠東南騷動公引兵會魏都御史紳於海口賊已斂棄仍諭以朝廷威信向

背禍福賊遂挺身來歸東南晏然衆方多其功久之海上餘孽復相煽動言者乃咎公與魏不當受其降會 孝廟初言路大開言者紛然猶尚以當道故也公不辯遂引疾乞致仕詔許馳傳以歸明年卽其家 賜緋袍白金以平賊功云

陳壽字本仁江西新淦人遼東寧遠衛籍成化壬辰進士擢戶科給事中陞刑科左給事中進都給事中歷大理寺右寺丞南京光祿寺少卿南京鴻臚寺卿都察院右僉都御史巡撫延綏地方弘治十六年陞南京都察院右副都御史值逆瑾竊柄劾今鈐束臺官不得妄言 朝廷德政開讀畢壽正色諭十三道曰言路豈可闕乎凡時政有當言非劾某者仍稿呈舉行若因

之阻抑則上負 朝廷作養下負平生所學多矣值南京臺諫以言事忤瑾盡械繫京師壽與尚書林公瀚上疏論拯尋又獨疏極言俱不報尋罷歸瑾復搜前任事械繫下獄罰米三百石居庸關監禁追納因貧不能完至瑾誅獲釋科道陶諧張羽等六人薦起之隨起巡撫陝西詳南京刑部尚書

戈瑄字良玉直隸景州人成化乙未進士授河南嵩縣知縣歷江西左布政使正德二年陞南京都察院右副都御史三年改北詳南京刑部尚書

雍泰字世隆陝西咸寧人成化己丑進士授吳縣知縣擢御史歷山西兵備副使按察使湖廣左叅政浙江右布政使陞都察

院右副都御史巡撫宣府罷歸正德三年以言官薦起南京都察院右副都御史提督操江本年陞南京戶部尚書忤逆瑾未任致仕詳南京戶部

李善字宗元陝西隴州人成化戊戌進士授行人擢南道御史丁憂補浙江道歷河南湖廣僉事山東兵備副使山西按察使四川右布政使轉左正德三年陞南京都察院右副都御史理院事考察南京庶官稱平本年陞南京刑部右侍郎終南京工部尚書詳南京工部

朱恩字汝承直隸華亭人成化甲辰進士授行人歷司副司正工部員外郎丁憂起復補刑部陞郎中弘治十八年陞河南按

察司副使正德二年陞本省按察使三年陞布政司左布政使  
恩趨附結納鄉紳太宰焦芳劉宇故不次陞遷正德三年陞南  
京都察院右副都御史理院事四年陞南京吏部右侍郎進南  
京禮部尚書詳南京禮部

俞諫字良佐浙江桐廬人弘治庚戌進士授長清知縣擢南道  
御史歷河南山西僉事陝西右叅議廣東副使大理寺右少卿  
轉左陞都察院右僉都御史正德七年陞南京都察院右副都  
御史督理操江八年改提督江西軍務歷都察院右都御史掌  
院事詳都察院

楊茂元字志仁浙江鄞縣人正德八年陞南京都察院右副都



御史兼任本年秋陞南兵部右侍郎

歐陽旦字子相江西吉安府安福人成化辛丑進士授徽州休寧令厚風俗興學政復二程之詞表忠孝之墓政最上聞擢雲南道監察御史民懷遺愛立祠祀之弘治初條陳七事 上多

采納尋以養病起陞僉事進按察司副使提督浙江學政敷教以寬陞本省布政司叅政歷廣東按察使陞本省右布政使轉左正德八年進應天府尹九年陞南京都察院右副都御史十年卒於官歷任三十餘年清節始終一致

趙鑑字克正山東青州府壽光縣人成化丁未進士正德十年由巡撫甘肅右副都御史改本院右副都十年遷都察院右

副都御史清理閩浙鹽法入視院事歷刑部尚書詳刑部

任鑑字

河南開封府臨潁縣人成化丁未進士

十一年陞南京都察院右副都御史十三年致仕

蕭翀字凌漢四川成都府內江縣人成化辛丑進士正德五年任山東右布政使轉左布政六年陞巡撫保定右副都御史七年下獄十一年起巡撫陝西右副都御史改本院右副都本年陞總制兩廣右都御史詳兩廣總制

鄒文盛詳本院右都御史正德十四年由巡撫貴州右副都御史改本院十六年陞戶部右侍郎詳戶部

毛瑋字

直隸蘇州府吳縣人成化丁未進士弘治年授

南京工科給事中調戶科歷兵科右給事中十五年陞山東左  
叅議正德九年致仕十一年起南鴻臚寺卿十六年由南京太  
僕寺卿陞本院右副都御史提督江防本年遷撫鄖陽詳鄖陽  
巡撫

王懋中詳本院右都御史正德十六年任

伍文定字

湖廣荊州府松滋縣人弘治己未進士任江西

吉安府知府以平逆濠陞江西按察使嘉靖元年由廣東右布  
政使陞本院左副都御史六年陞都察院右都御史七年加兵  
部尚書提督雲南川湖等處軍務詳兵部

胡瓚字伯珩直隸廣平府永年縣人弘治癸丑進士嘉靖元年

由本院左僉都御史陞本院右副都御史二年陞刑部右侍郎  
歷戶部左侍郎詳南京工部

周季鳳字■江西南昌府寧州人弘治癸丑進士授刑部貴

州司主事正德十一年陞湖廣布政司左布政十六年陞右副  
都御史巡撫保定等府提督紫荆等關嘉靖二年改本院右副  
都御史本年遷南京刑部右侍郎五年致仕六年起巡撫應天  
右都御史詳應天巡撫

陳鳳梧字文鳴江西南吉安府泰和縣人弘治丙辰進士選庶吉  
士十一年授刑部廣西司主事正德十四年歷河南按察使十  
六年陞山西左布政本年陞巡撫山東右副都御史嘉靖二年

改本院右副都遷南京吏部右侍郎歷巡撫應天右都御史詳  
應天巡撫

胡鏡字

直隸大名府長垣縣人弘治己未進士嘉靖三年

由總漕右副都御史改本院右副都四年陞南京戶部右侍郎

詳南京戶部

聶賢見右都御史嘉靖四年以右副都御史任兼督操江

李承勳字立卿湖廣武昌府嘉魚縣人弘治癸丑進士嘉靖五

年由巡撫遼東右副都御史改本院右副都陞南刑部侍郎進

尚書詳兵部

周倫字伯明直隸崑山縣人弘治己未進士嘉靖五年由本院

右僉都御史陞本院右副都御史提督江防六年陞南京工部  
右侍郎本年改兵部右侍郎歷左侍郎刑部尚書改南京刑部  
尚書詳南京刑部

鄭毅字 江西上饒人弘治己未進士嘉靖二年任浙江左  
布政使四年陞巡撫四川右副都御史六年改本院本年遷總  
督漕運

萬鏜見本院右都嘉靖六年由順天府尹陞本院右副都御史  
七年陞南京兵部右侍郎詳吏部

蔣璠字粹卿浙江湖州府歸安縣人弘治己未進士嘉靖七年  
由巡撫河南右副都御史改本院右副都御史八年陞工部左

侍郎歷工部尚書丁憂十一年起南京工部尚書詳工部

孫脩字

直隸廣平府邯鄲縣人弘治乙丑進士

八年陞南京都察院右副都御史本年災異致仕

自八年至十一年不設副都止有僉都御史

潘珍字

直隸徽州府婺源縣人弘治壬戌進士嘉靖十一

年任本院右副都御史十二年陞南京兵部右侍郎十五年陞

兵部右侍郎轉左詳兵部

張衍慶字

河南衛輝府汲縣人正德辛未進士嘉靖十年

由山西左布政使十二年陞南京光祿寺卿本年陞本院右副

都御史十六年改都察院總督南京糧儲十六年陞兵部右侍

郎兼學士十八年爲民詳兵部

周叙字子厚湖廣九溪衛籍河南息縣人正德辛未進士嘉靖十二年由巡撫遼東右副都御史改本院右副都御史提督操江十三年遷大理寺卿歷戶部右侍郎兵部左侍郎總督宣大右都御史工部尚書詳工部

王堯封字

直隸保定府定興縣人弘治乙丑進士正德十

四年由御史陞順天府丞嘉靖二年陞巡撫山東右僉都御史七年加右副都八年改巡撫浙江福建本年闕住十一年起巡撫陝西右副都御史十二年改本院右副都御史十四年陞南京工部右侍郎十五年歷戶部右侍郎十六年陞都察院右都



御史十七年陞總督倉儲尚書致仕二十一年起南京兵部尚書詳南京兵部

趙載字 山西垣曲縣人正德辛未進士授戶部雲南司主事歷員外郎郎中嘉靖二年陞陝西右叅議四年陞陝西副使七年陞陝西左叅政八年陞右僉都御史巡撫甘肅十四年改本院右副都御史未任詳甘肅巡撫

歐陽鐸字崇道江西吉安府泰和縣人正德戊辰進士任廣東提學副使陞雲南右叅政嘉靖七年陞提督四夷館太常寺少卿八年陞南京光祿寺卿九年丁憂十三年任南京太常卿十四年陞本院右副都御史十五年改督蘇松糧儲十八年陞南

京兵部右侍郎十九年改吏部右侍郎二十年致仕詳吏部

簡霄字

江西臨江府新喻縣人正德甲戌進士嘉靖六年

任大理寺右寺丞九年丁憂十二年補左寺丞十三年歷巡撫河南右僉都御史十五年陞本院右副都御史十八年遷南京兵部右侍郎詳南京兵部

張珩字珮玉山西太原府石州人正德辛巳進士嘉靖十五年任都察院右僉都御史巡撫延綏十八年改本院右副都御史改都察院二十年遷都察院左副都御史革職爲民詳兵部左侍郎

王學夔字一卿江西吉安府安福縣人正德甲戌進士任刑部

主事十二年改吏部考功主事丁憂十四年補文選陞驗封司員外郎嘉靖元年陞驗封司郎中五年陞文選司郎中六年陞南京太僕寺少卿八年陞提督四夷館太常寺少卿降福建叅議歷廣東左布政使十三年陞南京光祿卿十四年陞巡撫鄖陽右副都御史十五年丁憂十八年改本院兼督江防二十年遷南京大理寺卿二十一年歷吏部左侍郎二十四年陞南京禮部尚書二十八年陞南京吏部本年改南京兵部二十九年致仕

柴經字

浙江寧波府鄞縣人正德丁丑進士授刑部四川

司主事

年陞陝西司員外郎嘉靖元年陞雲南僉事三年

丁憂五年補湖廣僉事七年陞貴州右叅議十年陞江西副使十四年陞廣東按察使十五年陞廣東右布政使十六年丁憂十八年補四川二十年轉左布政使本年陞南京都察院右副都御史兼督江防二十二年劾免

及宦字士顯直隸河間府交河縣人由進士嘉靖二十四年任右副都御史陞戶部侍郎

國朝列卿紀卷之七十七終

國朝列卿紀卷之七十八

國初都察院左右僉都御史年表

詹

徽

詳本院左都洪武十六年任左

茹大素

山西澤州人鄉舉洪武十六年任右

紀著

直隸開州人洪武中舉遺逸十六年任右

邵質

人洪武十六年任右詳國初刑部侍郎

張紳

直隸貴池人洪武初舉文學十六年任右

陳玄

福建閩縣人薦舉洪武十七年任右

戴莊

人秀才洪武十七年任左

高翼

山東棲霞人薦舉洪武十七年任左僉都御史十九年命征遼東訓練兵卒後征雲南以功遷卒於官

元善

人薦舉洪武十七年任右十八年免

藥理

人人才洪武十七年任右本年免

黃

正

直隸碭山人吏員洪武十八年任右以事黜英山縣吏及金山寇起召還復職轉左都二十一年討雲南叛夷本年

降官還中途遇賊中傷卒

袁

泰

詳本院右都洪武十八年任右十九年轉左

劉文進

山東鄒平人洪武中舉才行十九年任左

馬守中

河南陽武人秀才洪武十九年任右即向賓

高鐸

山西絳州人進士洪武二十二年任右

古思帖木兒

蒙古人歸附洪武二十二年任右

來恭

陝西三原人歲貢洪武二十二年任右

夏長文

直隸上海人薦舉洪武二十二年任左

桂滿

直隸臨淮人進士洪武二十三年任左

戴瑀

廣東海陽人洪武中舉人  
才洪武二十三年任左

劉世英

河南洛陽縣人薦舉洪武二十三年任右

張構

二十四年任右  
人洪武

溫原

直隸樂亭人鄉舉洪武二十四年任左

馮堅

武二十四年任左  
人才幹洪

李文吉

山東鄒平人薦舉洪武二十五年任右本年十一月復改左

凌悅

浙江安吉人故元進士  
洪武二十五年任左

劉倫

二十五年任右  
人洪武



李欽

直隸邢臺人。舉洪武二十六年任左

凌漢

詳本院右都御史。洪武二十六年任右

王良

河南祥符人。洪武二十六年任右

張克誠

順天房山人。明經。洪武二十七年任左

劉淪

人。洪武二十七年任右

王平

詳本院右都御史。洪武二十七年任左

李謙

直隸滄縣人。歲貢。洪武二十七年任右

周慎

江西新喻人。鄉舉。洪武二十八年任右

嚴德珉

人。洪武二十八年任左

常樞

山西沁州人。歲貢。洪武二十八年任右

范

俊

湖廣大冶人洪武中舉文學二十八年任右

辛彥博

山西汾州人歲貢洪武二十九年任左

何晏

直隸井陘人歲貢洪武二十九年任左

司中

人洪武中舉才學三十年由御史署左

劉觀

詳本院左都洪武三十年由御史署左

景清

詳本院左都洪武三十年由御史署左

郭資

河南武安人進士洪武三十年任左

鄧文鏗

福建永樂人進士洪武三十年由刑部主事署右

張春

河南許州人歲貢洪武三十年任左

周顥

山東安丘人薦舉洪武三十年任右本年免

潘長壽

浙江長興人稅戶人  
才洪武三十年任右

辛彥博

見前洪武三十  
十年復除右

周璿

山東諸城人洪武甲子  
舉人三十一年任左

程本立

浙江嘉興府崇德人  
秀才革除元年任左

劉翥

直隸雄縣人歲貢  
革除四年任左

楊得安

直隸宜興人大學  
生革除四年任左

俞士吉

浙江象山人鄉舉  
革除四年任右

王平

河南息縣人歲貢  
革除四年任左

李慶

見本院左副都  
革除四年任右

史仲成

陝西安化人歲貢  
永樂元年任右

陳德文

詳本院右都承  
樂五年任在

國初都察院左右僉都御史行實

詹徽詳本院左都御史洪武十六年任左僉都

茹大素字

山西澤州人洪武庚戌鄉舉四年以上書稱旨

擢監察御史五年改四川按察使執法平允七年召爲刑部侍郎降刑部主事十五年陞江西左叅議十六年陞都察院右僉都御史本年降翰林院檢討歷戶部尚書詳國初戶部

紀著字

直隸大名府開州人從顏師聖受業所得益深洪

武十五年舉遺逸授萍鄉縣教諭十六年復召詔學有本原通

達時務太祖嘉獎特授都察院右僉都御史禮遇甚隆時年

已七十尋抗疏致仕

邵質字

人洪武十六年任都察院右僉都御

史十七年陞刑部右侍郎詳國初刑部

張紳字

直隸池州府貴池縣人洪武初年以文學舉授教

諭十六年因廷臣薦其學行召試稱旨陞都察院右僉都御

史十七以事免

陳玄字

福建閩縣人元末隱居教授鄉里不求聞達洪武

十七年因守臣薦其經明行修召試治道稱旨特拜都察院

右僉都御史尋以年老致仕

戴莊字

人洪武初年舉秀才授懷慶府通判

以治績秩滿課最十七年九月召陞都察院左僉都御史未幾

卒於官

高翼字

山東登州府棲霞縣人洪武初年舉賢良方正授

湖廣都司副斷事廷臣薦其才行卓異宜大用十七年九月以秩滿課最召陞都察院左僉都御史十九年征遼東命訓練兵卒二十年命佐師征雲南尋以疾卒於官

元善字

人洪武中以才行薦授陝西靜寧州

判官十七年以秩滿考績課最超陞都察院右僉都御史十八年免

藥理字

人洪武中舉人才十七年任都察院

右僉都御史本年免

黃正字

直隸徐州碭山縣人洪武中爲邑吏十八年以直

言徵奏稱

旨擢都察院右僉都御史彈劾不避權要本年以

事忤

旨黜爲英山縣吏及金山寇起求能討平之者或以正

子琰聞徵琰至對曰臣年幼才弱不及臣父知兵 召還復職

卽日辭闕渡江募勇敢士得十餘萬人遂討平之尋陞本院左

僉都御史二十二年 命討雲南叛夷設法招撫隨降服還至

普安遇賊中傷而卒

袁泰詳本院右都御史洪武十八年擢本院右僉都御史十九

年轉左

劉文進字

山東濟南府鄒平縣人洪武中舉才行十九年



任都察院左僉都御史二十年免

馬守中字向賓河南開封府陽武縣人洪武初年以秀才釋褐授獲嘉縣丞有惠政遷知縣進府同知所至政聲著聞十八年入擢監察御史每侍朝有風裁 太祖屬目十九年陞都察院右僉都御史二十一年卒於官

高鐸字仲順山西平陽府絳州人沉潛經史以博洽著聞洪武甲子首定科舉程式鐸中山西秋闈解元乙丑取進士選擢監察御史才識明敏十九年以言事受知 太祖擢刑部右侍郎二十二年以失職被劾降都察院右僉都御史二十三年以疾致仕

古思帖木兒蒙古人洪武初歸附二十二年任都察院右僉都御史二十三年遣齋勅往諭故元丞相咬住大尉乃兒不花知院阿魯帖木兒等以元運已終宜早歸降毋失事機本年令安住保定

來恭字

陝西西安府三原縣人洪武中由歲貢入大學以才能擢都察院右僉都御史二十三年以事免

夏長文字

直隸松江府上海縣人洪武中以稅戶人才薦

舉爲監察御史二十二年時左副都御史袁泰臨下嚴厲長文廉得違法數事劾之上嘉其敢言陞都察院左僉都御史本年以事免官

桂滿字

直隸臨淮縣人洪武乙丑進士擢監察御史二十

三年陞都察院左僉都御史本年以事免

戴瑀字

廣東海陽人洪武二十三年任都察院左僉都御

史二十四年以事免

劉世英卽士英河南洛陽縣人洪武十八年以才學薦擢監察

御史遇事善裁決爲時所重上嘉其有識有斷二十三年擢

都察院右僉都御史二十四年卒於官

張構字

人洪武二十四年任都察院右僉都

御史尋命侍班備顧問隨事規正二十五年以事免

溫原卽溫厚字

直隸永平府樂亭縣人洪武甲子鄉舉除

監察御史爲人勤慎舉動不失尺寸 上嘉其厚重擢都察院左僉都御史故人稱爲溫厚云二十五年以疾乞休

馮堅字

人洪武中以才幹授江西南豐縣典

史均賦稅勤奸黥民作德政謠歌之曰山市晴山鳥鳴商旅行農夫耕老瓦盆中冽酒盈呼囂囂不聞聲二十四年建言九事 聖祖覽之曰所言知時務違事變關於政體可嘉召擢都察院左僉都御史在臺中質直持大體二十五年卒於官

李文吉字

人洪武中爲舉二十五年陞都察

院右僉都御史本年改少詹事十一月復改都察院左僉都御史二十九年遷工部右侍郎改刑部詳國初刑部

凌悅字

浙江湖州府吉安州人故元進士入仕我明

十七年以懃諫籍家

劉倫字

入洪武二十五年任都察院右僉都

御史

李欽字

直隸順德府邢臺人薦舉洪武二十六年任左

凌漢詳本院右都御史洪武二十六年謫起右僉都

工良字天性河南祥符縣人洪武二十六年任都察院右僉都

御史二十七年遷刑部右侍郎死靖難詳國初刑部

張克誠卽友誠順天府房山縣人洪武中以明經薦授房山訓

導善訓迪人才多所造就召擢監察御史洪武二十七年陞都察院左僉都御史未幾出叅山東後卒於官

劉淪字

人洪武二十七年任都察院右僉都

御史

王平詳本院右都御史洪武二十七年任左僉都御史

李謙字

直隸大名府濬縣人洪武中應貢入大學歷事戶

部効勞選擢戶部主事善於其職有節操二十七年陞都察院右僉都御史未幾乞休

周慎字

江西新喻人鄉舉洪武二十八年任右

嚴德珉字

人洪武二十八年任都察院左僉

都御史

常權字

山西沁州人初名拳洪武十八年應貢入大學除

知州有惠政二十八年召陞都察院右僉都御史尋卒於官

范俊字

湖廣武昌府大冶縣人洪武中以文學舉擢監察

御史立朝正直不阿二十八年陞都察院右僉都御史二十九年以疾終

辛彥博字

山西汾州人洪武二十年應貢補大學生擢監

察御史歷浙江陝西江西三道二十九年陞都察院左僉都御史本年改少詹事三十年復除都察院右僉都御史永樂初降

湖廣道御史三年陞山東按察使尋改雲南左叅政調浙江五

年仍陞浙江按察使六年又降山東道御史九年陞福建左叅議十三年陞浙江左布政使後卒於官

何晏字

直隸井陘縣人歲貢洪武二十九年任

司中字

人洪武中以才學舉擢監察御史三

十年陞都察院左僉都御史革除中死事

劉觀詳本院左都御史洪武三十年由御史署左僉都御史本年出知嘉興府

景清詳本院左都御史洪武三十年由御史署左僉都御史

郭資字存性河南武安縣人洪武乙丑進士洪武三十年由戶

部陝西司主事聲譽頓起陞都察院左僉都御史本年改北平



右叅議累官戶部尚書詳戶部

邵文鏗字德聲福建延平府永安縣人洪武乙丑進士授高州茂名知縣以治最召入爲刑部主事聽讞詳慎以明允稱三十年陞都察院右僉都御史不畏強禦持風裁時貴戚有冒禁鬻私茶者蓋關邊計也莫敢言文鏗獨劾之其人卒寘於法文鏗亦坐是出知武昌又改知德安府後轉范馬寺卿以年老致仕張春字景初河南開封府許州人才器宏洪武中應貢入大學擢刑部郎中三十年陞都察院左叅議御史十一月春與都給事中馮驥劾奏武定侯郭英私養家奴殺男女請治罪詔勿問復奏不已上命諸戚大臣議其非使知所警已而宥之

三十一年出爲福建叅政改浙江累官戶部右侍郎終山西右布政使詳戶部

周顥字

山東安丘縣人薦舉洪武三十年任右僉都御史

本年免

潘長壽字煥文浙江湖州府長興縣人洪武三十年八月舉稅戶人才召試語多質朴達時務特授都察院右僉都御史未幾以直諫出知南雄府慈祥愷悌不任刑威時夏秋旱累禱不應捐俸募民拾遺骸瘞之野率官屬齋戒請禱得雨三日歲大稔民爲立生祠會潯州寇起又以才望改知潯州府以疾致仕

周璿字

山東青州府諸城縣人洪武甲子鄉舉授神策衛

經歷三十一年上疏陳時務 上嘉獎之特陞都察院左僉都御史革除二年以事免

程本立字原道浙江嘉興府崇德縣人今入桐鄉少讀書不事章句受學金華朱彥亨兄弟造詣日深又從同邑鮑恂貝瓊游能操筆爲文章議論侃侃負氣節洪武丙辰舉明經秀才擢奉天府引禮舍人召見奉天門賜馬疋楮帛改周府丁卯從王入覲坐累謫雲南龍池郎甸長官吏目留家大梁自以一僕之任時所部內附未久蠻夷皆煽動爲變西平侯沐英布政使張統聞其賢皆禮之委以統領守禦所在撫綏本立山行野宿不避艱險自楚雄姚安以逮大理鶴慶麗江等處咸賴其安輯每單

騎入蠻夷境或爲書開導順逆利害遇饑卽便益賑恤曰吾爲  
王官守禦邊方不可以文法自諉坐視夷民生患假令死卽死  
我一身耳救則救此一方之人也諸夷聞之皆感悅自是軍得  
着伍民得安業本立之功居多歲戊寅奏計京師建文帝立學  
士董倫應天府尹向寶交章薦其文學治行時方修太祖實  
錄召入翰林編纂支正七品俸署左僉都御史階中順大夫作  
御史箴以自勵尋卽其俸入之外不通餽謁時稱爲清御史辛  
巳以失陪祭當調特留使館供職如故明年實錄完出爲江西  
按察司副使未行道經難兵已進京師本立知事不兢悲憤自  
盡壬午六月十三日也後三日成廟卽位詔追奪恩典家

無遺資所著有吳隱集十卷刊行於閩今祠於學宮同時纂修者學士董倫禮部郎中夏止善史官高讓吳勤趙友士端孝思張秉彝唐耕侍讀王景修撰李貫編修吳浦楊子榮劉觀侍書劉彥銘皆免於難或見用 新朝焉

劉翥字 直隸保定府雄縣人洪武中貢入大學授遼東斷事以才能陞河南按察司僉事革除四年 成祖入正大統召陞都察院左僉都御史永樂七年扈行在十五年坐事降工部管繕司主事後卒於官

楊得安字 直隸常州府宜興縣人洪武中大學生授南和知縣有政績革除二年拜兩院御史四年 成祖入正大統改


江西道尋陞都察院右僉都御史永樂元年謫嘉興府知府後卒於官

俞士吉字用貞浙江寧波府象山縣人洪武丙子領鄉舉明年會試中乙榜授兗州府學訓導革除中止疏論時政得失十餘事徵拜南院監察御史出巡鳳陽徽州辯釋疑獄風聲肅然


文廟御極改廣西道擢右僉都御史奉使朝鮮已復使日本返報皆稱旨 上褒賜有加永樂三年浙西大水奉 勅往治兼督

農務時湖州被災尤極虧糧五六十萬同事者以所虧之數反十倍於所輸欲損其數以上士吉力爭曰欺君病民吾不忍爲也雖重得罪吾自任之竟以實聞 上允納悉觸其輸仍 勅

發廩賑之民賴以蘇四年坐事謫爲辦事官尋復原職 命賑  
兩浙饑六年出守襄陽詳南京刑部侍郎

王平字  河南汝寧府息縣人洪武中應貢入太學二十七  
年授廣東道監察御史性剛毅彈劾無所避二十八年巡按陝  
西有直聲革除四年 成祖入正大統陞都察院左僉都御史  
永樂元年以忤權貴謫天津左衛經歷三年陞陝西叅議尋遷  
福建左叅政五年陞交趾左布政使後卒於官

李慶見本院左副都革除四年以潛邸知遇命署右僉都事本  
年出知紹興府

史仲成字  陝西慶陽府安化縣人洪武中應貢入大學擢

監察御史擢山西按察司僉事革除中改桂林府同知有政績  
永樂元年召陞都察院右僉都御史四年營北京宮殿 命採  
木山西六年出鎮大同七年回院九年出鎮陝西後卒於官

陳德文一名瑩中字文石廣東南雄府保昌縣人洪武中舉文  
學授台州府通判越二年左遷枝江令又遷縉雲監稅所至有  
稱以兵部尚書唐鐸薦拜北平道監察御史明年擢按察使三  
十年使西番撒馬兒罕等國開通西域居十有二年克舉使職  
不辱君命永樂五年回京凡所歷之國采訪風俗作爲詩歌歸  
日進呈 成祖嘉之擢僉都御史今內閣修西域志多按其言  
八年二月隨駕征迤北十月迤北平 上念久勞王事進右都



御史賜衣十襲名馬二匹及漢尉四名充伴還鄉省墓九年六月復詔回京十二年三月卒於位進左都御史階諭賜葬祭

國朝列傳卷之七十八終